



## **Reuerendi Patris P. Hieremiæ Drexelii e Societate Iesu Opera omnia**

Duobus nunc Voluminibus comprehensa, & libellis ante hac non editis  
aucta ; Illvstrata, Indicibvs Moralibus, Locorum S. Scripturæ, Capitalium  
Mysteriorum fidei, Rerum, & Concionum quouis anni tempore habendarum  
; Congestis Et Compositis Methodo prorsus, alijs Auctoribus inusitata ; Sed  
Theologis ...

Indicibvs Illvstratvs Et Avctvs Concionatoriis

**Drexel, Jeremias**

**Antverpiæ, 1643**

Sect. I. De Christi nati pannis.

---

[urn:nbn:de:hbz:466:1-77031](https://nbn-resolving.org/urn:nbn:de:hbz:466:1-77031)

CAPUT VI.

De ipso Infante divinissimo, Christo Domino.

DE umbris & figuris Christi Natalem precedenti- bus, de tempore ac loco Nati, de diversis obsequiis Nato delatis, de pastoribus, de Angelis ad pastores missis, oratione succincta disseruimus, de ipso jam Infante divinissimo locuturi. Suavissimè proflus è suggestu tam humili concionatus est orbi celestis Pulvis, idque lacrymis & exemplo. Prima ferè concio Pueruli discretissimi in luxum vestium fuit, uti jam audiemus.

§. I.

De Christi Nati pannis.

CURAS hominum in concinnando vestitu vanifimas quantum est in rebus, & præsertim in vestibus, inane! Christe bone, ut hic laborant, ut contendunt, ut moliantur, ut satagunt, ne quid vestium continnitati desit! Purpura, byssus, bombyx Arabius, bractearum textile aurum, gemma non vedando corpori, sed ornando adhibentur. Sordent vestes, nisi sint pretiosæ, molles, venusta. Confer, obsecro, hanc vestium lautitiam & luxuriam cum his Christi panniculis & linteolis. In signum, inquit Bernardus, positi sunt panni tui, Domine IESV, sed in signum cui à multis usque hodie contradicitur.

En Bonus ille Deus quam operimento vili tegitur, qui omni animantium generi providentissime sua cuique distribuit vestimenta, has plumis, illas lanâ; has pilis, istas aculeis, squamis, testis; alias aliâ veste contegit, neque tantum animantes, sed & prata, hortos omnemque florum familiam ita eleganter vestit, ut omnes regum purpuras, Imperatorum paludamenta & chlamydes ornatu & artificio longè superent.

Ita dilucidè Christus, Dico vobis, inquit, quoniam nec Salomon in omni gloria sua cooperatus est, sicut unum ex istis: Si autem Deus fecerit agri, quod hodie est, & cras in clypeum mittitur, sic vestit, quanto magis vos minime fidei? Hic ergo liberalissimus optimus Deus, qui tam animata quam inanimata, tam comode, tam venuste vestit, ipse nudus, vix linteolis tegitur in præsepi. Hoc loco Petrum Damianum audio dicentem: Conditor Angelorum dum in præsepio vagiens reclinator, non ostro, sed vilibus tegitur panniculis involutus. Erubescat ergo terrena superbia & arrogantia redempti hominis, ubi erumpentibus radiis exorti conuiscat humilitas Redemptoris. Licet hic illud Annæi uidebitur & in panno. Non enim dicentur tantum illa, sed pro-

babuntur. Ego certè aliter audio que dicit Christus nosser, cum illum video nudum stramentis incubantem. Ita enim non præceptor tantum veri, sed & testis est, nec paupertatem solum laudat, sed & amat ac experitur.

Hæc Christi linteola & fasciolar, viles quidem & inelaborata, munda tamen, omni bysso, purpurâ, carbasso, bombycinôque panno, lino vivo, & inter flammâs inuictio pretiosiores. Opinatur nonnemò, hos Christi panniculos nullâ Matris provisione ac curâ paratos, sed vel è Virgineis velamentis, vel fortè mutuo acceptos. Errat bonus scriptor. Longè verosimilius est, hos pannos à Deiparâ fuisse preparamos.

Has fascias donavit Eudoxiæ Imperatrici Hierosolymorum Episcopus Iuvenalis. In honorem fasciarum IESV pueruli erecta Basilica. Quam autem longè aliâ sindone velavit Christum cavillator Herodes, que sicut promptissimè aliâ Iosephus Arimathæus, aliâ Virgo Mater beatissima, famulus manus, ita telam fasciasque summâ curâ filio ministravit.

in Theaur. Antiquitatum. Ecclesiastic. Idem tom. 1. c. 34.

A Suam porrò paupertatem Christus; humilemque amictum & pannicularia, cum vestimentis hominum non audeat comparare, sed ferarum tegumentis ea conferens, vulpes, inquit, foveas habent; & volucres celi, nidus: filius autem hominis non habet ubi caput suum reclinat. Adhuc tamen dives est Christus: erit, cum nec pannos quidem habebit in cruce. Quam autem multum admirationis habet mercator, cuius officina sericâ & holosericâ veste plena est, si ipse rudi panno aut viliori corio vestiatur! Deus totum orbem, homines & animantes vestit omnes: In veste enim poteris, quam habet, totus est orbis terrarum. Inspice vel solas aviculas, quam illis de pellibus & rhononibus bene sit prospectum; & tamen hic ipse Deus hominem indutus, in præsepi malè tegitur, in cruce non tegitur, nisi suomet sanguine, sicque nudus pendet & moritur. Sed uti Rex Macedo Alexander vulnus Lysimachi suo diademate, quod è capite detra-

xerat, circumligari voluit: & quemadmodum Trajanus Imperator, post Decebalum Dacorum regem prælio victum, cum vulncribus deessent ligamina suam vestem in lacinias conficissam, inter sauciatos partitus est vulncribus eorum obligandis; ita si tum mis ima conferre liceat, suâ nuditate Christus nos omnes vestit, linteolis suis cycladem immortalitatis nobis comparavit.

Sed compara tu mihi eum Puerò Christo pannis involuto Præfulem illum, qui pinguem tunicam habuit è meris capitellis & pelliculis carduelium suffultam. Hæc certè infantulo nostro fuisset commoda, sed paupertas non habuit quod pellioni daret.

Quam autem Christus pauper concionatus est suaviter è cathedrâ hac tam modicè instratâ? non multas, non grandes, non prolixas in nos invectivas recitavit. Nemini objecit: En tuum hunc intolerabilem fastum, en vestes extra modum delicatas, en vanissimum novitiæ imitationis studium. Hæc opprobriare nescit Infans, hoc unum re ipsâ & exemplo dixit: Hæc egestas, & hæ vestes, mihi Domino vestro concipiant. Si ratio vobis est, vestrum vivendi genus corruptissimum ad Domini vestri mores conformabit. Non est servus major Domino suo.

§. II.

De vagitu & lacrymis Christi.

OPULENTISSIMUS Regum juxta & sapientissimus Rex Salomon de leiplo, Et ego natus, inquit, accepit communem aërem, & in similiter factam decidi terram, & primam vocem similem omnibus emisit plorans: in involumentis nutritus sum & curis magnis. Nemo enim ex Regibus aliud habuit nativitatæ initium. Vnus ergo introitus est omnibus ad vitam, & similis exitus.

Rex pacificus Christus IESV, Salomon verus, communem hunc aërem accepit, & primam vocem omnibus similem emisit plorans. Et quod Hieremias de Civitate sanctâ dixit, de Christo asseri potest. Plorans Thren. c. 17. ploravit in nocte; & lacryma ejus in maxillis ejus. Ad vocem suam dat multitudinem aquarum in calo. Magna est rerum facta mutatio: nunc ad vocem ploratus sui dat multitudinem in terrâ ex oculis suis.

Eten, homo nugatorie ac levis. Puerulus Christus lacrymas tibi fundit ex oculis, è quibus gaudiorum profluit oceani. Hæ lacrymæ, mare rubrum sunt, quo avernalis Pharaò submersus est. Hæ lacrymæ rivuli illi sunt, ad quos castæ columbæ confident, de quibus sacrum Salomonis carmen, Oculi ejus sicut columbæ, inquit, super rivulos aquarum, que lacte sunt lotæ, & resident juxta fluentia plenissima. En, Christiane, tot tibi gemmæ cadunt ab hujusmodi oculis, quotquot cadunt guttæ. Non colligis has gemmas, & tuas facis castis desideris.

Handwritten marginal notes on the right side of the page, including 'UNIVERSITÄTS-BIBLIOTHEK PADERBORN' and other illegible text.